

李化櫨妻王氏

保定府人崇禎癸未聞警其母送至夫家合巹未行兵突至迫之不

從母女

俱被殺

張璞妻王氏

保定府人年十八崇禎癸未之變寇強逼之不屈被殺

張滌妻王氏

保定府人年十六寇亂被掠不從身受十二刃罵不絕口死

王某妻劉氏

安肅人舉人劉瑞姊同姑避亂安州寇至被執不屈投水死

邵鍾瑗妻顧氏

保定府人兵變城破鍾瑗負母避難欲同氏出氏曰無以妾而罹禍

也遂投

井死

張子耕妻南氏

安肅人夫亡守節遇寇變不屈一賊援氏手氏大慟曰奈何辱吾手

罵賊愈厲

被焚死

呂志學妻胡氏

定興人寇至不屈死之